

Ufficio Stampa della Provincia autonoma di Trento

Piazza Dante 15, 38122 Trento

Tel. 0461 494614 - Fax 0461 494615

uff.stampa@provincia.tn.it

COMUNICATO n. 458 del 24/02/2026

Der Mattle, Fugatti, Kompatscher ont de sport asesorn gratuliarn se pet de atletn van drai lander. En de interattivausstellung van Euregio ka Innsbruck iaz ist de olimpische gschicht aa

De Euregio sportatletn as hom gabungen: 24 medaie van Olimpiadi

[Mòcheno] De hom guat spilt ont gabungen de atletn van Euregio Tirol-sudtirol ont Trentin en de XXV Olimpishen binter Spiln: en 21 prais en 29 atletn as kemmen van drai lander hom gabungen en gònzn 12 goltmedaie, 14 silber ont 17 kupfer.

Benn men zeilt lai de medaie ver de iatn schòrt va sport ont nèt ver iatn mentsch, abia en olimpischer medaier ufficialet, der Euregio hot en gònzn 24 medaie: 7 va gòlt, 8 silber ont 9 va kupfer.

Der president van Euregio ont capitan van Tirol Anton Mattle, zòmm pet de presidentn van autonome provinzn va Trea't der Maurizio Fugatti ont va Poazn der Arno Kompatscher ont de assessorn en sport Philip Wohlgemuth (Tirol), der Mattia Gottardi (Trentin)ont der Peter Brunner (Sud Tirol), kloffen van auskearet resultat: iber de grenzn de lander van Euregio pintn zòmm abia haupprauch ver de bintersport. Atletn, baiber ont mander, hom galòk sechen abia braff as de sai', stòrch ont pet karakter. De gratuliarn miasn gea' en òlla de toalnemmer van Euregio as pet sèll as de hom gatu' hom ens gamòcht vertraim verzaubertn momentn gèltsgott aa en de òrbet ont en gadult as hom de sportiven organizaton hintn en sèll as men sicht.

Va iaz envire ist meglech bider lem de gschicht van olimpeschn spiln en de lander van Euregio turch aa de Euregio Infopoint va Innsbruck: de interattiv ausstellung ist kemmen vergreasert va kurza zait pet a sezion ver de Olijadi. De innbaich van 3 van hourneng vergòngen ist kemmen gamòcht pet de toalnemmer van tirolervicepresident Wohlgemuth zòmm pet en kurator Christian Rainer, pet en Matthias Egger (gamo' arkiv va Innsbruck), van learn va de Universitat va Innsbruck der Kurt Scharr ont der Wolfgang Meixner ont van Segretario Generale van Euregio der Matthias Fink.

De nai sezion va de ausstellung ist as de Olimpischn binter spiln van 1964 ont van 1976 va Innsbruck ont derzeilt de gabinnen ont a toal vert de schlechtn pfòlln aa van atletn van Tirol, Sudtirol ont Trentin va viarer van Olimpiadi finz de sèlln va haitzegento. En de mu'netn as barn kemmen de informazionen barn kemmen gamòcht pet de lestn spiln van 2026 pet de naieket as gèltsgott en de prais van biathlon ka Anterselva ont ver de nordischen praisn en Fleimstol, iaz òlla de lander van Euregio sai' kemmen olimpische sitzn.

En de binter spiln hom toalganòmmen en gònzn 124 atletn van Euregio, van dòin 41 van Tirol, 47 van Sudtirol ont 36 van Trentin. Der rivzeil van Euregio ist ausgleich: de atletn baiber ont mander van sudtirol hom gabungen 15 medaie, derno de atletn trentiner ont tiroler pet 14 medaie ver delegazion; 11 medaie ver de baiber ont 18 ver de mander.

De zeiler van medaie van Euregio ist nèt gònz en glaiche vurm van zeiler van medaie ufficialet: van a sait, der Euregio zeilt an iatn podio ver an iatn prais, abia ver en zeiler ufficialet. En an iatn vurm men miast hòltn en kopf as de praiser gamòcht pet de gruppn ont de staffette de atletn van Euregio miasn austoln de

medaie pet òndra toalnemmer. En de sèlber aussicht der Euregio hòt zeilt an iata medaia ver an iatn mentsch. En de prais va grupp ont en de staffette billt song as der Euregio hòt kriak an numer greaser va medaie benn s almen zboa atletn van Euregio sai' gòngen as en podio.

En allegat: zeil van medaie ont campioni

Ibersetz gamòcht van Sprochtirl va de Tolgamoaschòft Hoa Valzegu' ont Bersntol

(cdt)